



和16
928
11



門八 16
號
卷

普天忠憤全集卷之十一 詩賦門

曲阜魯陽生孔氏編定

漢軍寶 璋 戎 臣

大倉純文蔚貫參

蒲圻章廷楨蔭堂分校

夔州程正學文先參校

黃岡林郁鈞可廷

蒲圻鄧人梓樹梧

前海疆四首

粵海大洋東波揚英法美印度亞邊陸種烟入售燬偉哉林文忠勇義三元里其奈

敵法臣不知國大計戰廣東

鄭逆犯崇明直薄至江陰吳淞既陷沒金陵復擾侵滬港矣番埠安問來貢琛陳軍

雖奮勇陳化雙泪下淙淙戰江陰

和議久不成兵擁大沽頭僧即頗壯偉縱火焚二艘洋馬倏成隊各國臨夷首賢王

心骨鯁轉生天子憂戰天津

是時夷酋訂約五十七條朝廷九卿以下皆盡押惟忠親王未允夷狀不允未幾

通川烽火逼倉皇幸熱河密雲惟豆麥 宮禁滿兵戈守卒開門揖奸臣意若何肅

不謀叔灰猶未冷 鑿馭淚珠多戰北京

後海疆六首

戰福州是時總督何璟巡撫張兆棟欽差張佩綸船政大臣何如璋皆束手無策坐視法人壞我船廠毀我炮台沉我兵輪殘殺我士卒掉臂游行



晉日天忠懷 卷十一

而去開詩云福州原無福法人本無法雨
何沒奈何兩張沒主張

閩嶠古巖疆濱海誠天險夫何鐵甲浮草木皆血染無乃持節臣重寄殊叨奉至今
馬江頭黃口知國玷

戰基隆

劉銘傳奉命督辦台灣當屯兵基隆時曹志忠力止基隆仔寮純
夫伏地哭留不允後為臚甲團人擱截乃止淡水幸孫開華港尾一戰
得李彤恩所募張李成即張阿虎統上兵五百名殺法首一員卒六百
餘名俘花日百餘名燬一敵船外洋稱我國大勝繪圖記之

基隆一粟耳浮在海之角貌雖二十萬大帥開帷幄蒼夜屯兵行鐵城突確犖可憐

小吏愚哭民雙目昏李成汝回援滬尾銘傳頗建奇功特兩存之

戰澎湖

周協戎死之

澎湖不毛地民漁魚以生番戎豈好利要為城下盟倒海難前恨將軍竟立名龐涓
何足恤祇是恤編氓

戰鎮海

是時鎮海南洋提督歐陽利見督楚勇三營守之北岸皆淮軍法將孤
秋素兩統勇升船桅將然炮淮軍皆股栗不敢開炮有百總某手刃欲
潰卒數人自燃炮中孤拔

鎮海制雄健峽山勢龍從磊石可封關何況兵倥傯夷虜等孫升鉛彈落堪嘆 特
詔屬元戎元戎昨百總

戰諒山

廣西巡撫潘鼎新督師中鎮南關關隘落職楊玉科死於陣王德榜重
傷

戰交趾

是役蘇元春馮子材誘於前王德榜抄於後法逆所借各
國槍目盡為我軍所因俘忽奉電詔罷戰釋所囚槍目

十二金牌事于今復見之黃龍將痛飲花日忽生期戰骨累累在秋風颯颯吹莫論
交趾役故壘有餘悲

海藩五首

李光漢

琉球來脩貢執禮若奴婢一朝不顧恤何殊失怙恃他族任取携棄藩如棄屣吁嗟
海溢民背恩從此始 琉球

法鹵恣橫暴越境如肉糜文雉久不獻海嶠飛哭鸞南溟沉珊瑚滇粵壞藩籬倘非
備糧矧曷以射鳥鵲越南

朝鮮箕子裔其地近 神京曷敢有越志時時通款誠朝廷存恤字捍禦同調更如

何三島月分照日俄英 時三國分其三島

緬甸滇池邊亦在海藩列琛賈且勿論垣墻不可缺英戎逞強項放君 其人放緬甸
屬其地 何酷烈投鼠尚忌器胡為忘敵血 緬甸

暹占墨子國越面輔車依號七虞不臘孤死免銜悲祇宜嘗募胆莫忘累卵危豺狼
何厭足勢盡感邊陸 暹羅占城

燕臺雜感三十首錄十二

李光漢

紅巾白帽滅鐵甲起波瀾北圻繼戰罷朝鮮倭盟寒吉林鍾王地將軍早駐蹕寄語

等邊者吳鈞子細看
海疆正多故網紀日沉淪犬羊性獷狃鯨鯨誰能馴勿倒持大阿而貽笑敵人凡有

血氣者莫不識君親
藩籬今已壞牆壁宜自堅無徒築礮台防海尤關邊海尤阻以水關更毗而連但顧

東三省疑非策萬全
天京畿輔地百萬屯淮軍歲糜國鉅帑豈難捍驚羣如何山海役羽檄馳紛紛深虞

兵似火不戢將自焚
滇池在邊徵兵戈總莫休鬼戎爭礦利腥血滿刀頭珊瑚已絕貢熊羆欲報仇不知

火輪車鐵路脩未脩
秦隴帝王家雄關百二重豈能免征戰紫氣常來東更有峭函在二陵風雨中君

王莫恃險出塞是西戎
西蜀天雄郡沃野誇千里左有劍閣道右有三峽水自來財賦充不特漆絲已可屯

一萬兵聊供他日使
蒙古膏腴地棄作牛羊場何不教稼穡可以納錢糧否則或兵屯聊足固圍疆胡為

任荒曠此意殊難詳
新疆逼俄境鎖鑰掌金劉誰使天山雪化作大河流將軍開帥府壯士起邊愁版宇

雖云拓能無西顧憂
辛壬星警疊階深地裂重山東患河決直北患年凶土木亦既費扈從已傷農狼烟

猶未息如何忘養癰
物必先自腐而後乃生蟲海軍雖已設其如杼袖空脂膏既竭盡府庫何由充杞人

憂心切詎不到宸衷
明執萬國法暗通彼族情試看封海時日人載糧行交趾俾花日丰是阿俄英朝

廷何寬大時時布款誠
莫學王夷甫清談廢紀綱匡時猶有望雪恥豈無方艾急三年蓄河非一篲防沼吳

容易事可是莫親嘗
賀王朗青方伯凱還作方伯名德榜
張秉銓

唾壺擊碎電光起聽我一歌奇男子奇男子誰王將軍銅柱書功在交趾將軍投筆

少從戎轉戰江南數千里一門忠義繼難兄名在汗青第八耳韜弓長揖事歸田青

門種瓜二十年忽聞鼓聲動關外詔起將軍出定邊天子求賢前虛席丞相封

章親畫策岑彭一體倚長城岑襄勤彭剛直二公紀律森嚴列劍戟長驅浩浩去征蠻誰知勝

敗反掌聞北門不掌黃祖死謂黃中丞元直前功不補惠謂徐萬虜洶洶將南下勢更諒

時方棟生

平欲入關將軍手擊方山子屹立不動安大山督師飛報若非雄師互犄角沿邊勢

已成朱殷 帝命士行任都督列隊絕跡歸約東宛轉敵將 成命辭願以一身措

危局將軍好武尤好文性耽圖史羅典墳談兵列胸露兵甲草檄運腕生風雲書生

本來真面目豈在建旄榮柱鼓誓將肝腦報 君恩要使戎羗來臣服孤軍深入不

辭勞豐谷一戰鬼神號戰士兩日死劫命怒髮上衝星斗高大風揚沙白日黑殺聲

入鼓鼓皮折血潮肉雨炮飛烟萬道巨霆天失色救兵已絕尚能軍時桂軍失疲兵

再戰苦當扼將軍坐地手執槍神槍一指齊擊賊公以賊衆我寡槍火不繼因約軍

百賊首死者亦何多傳語將軍請息戈將軍笑與賊首約彼此對擊較若何賊首股

栗不敢動整旅始復駐岩阿咤叱胆真落妖孽嗚氣直壯山河時五畫官等中槍

停戰約俟明日再戰公不許呼兵頭上畫官彼此執何期諒關忽不守豕突狼奔豺

獸走忠哉僕射以身殉死之 鑄錯何人職其咎檄援回軍已後期意以謗言遂逞

私公道一心不可沒 君門萬里豈能欺將軍素任天下志詎以菲言挫其氣出隘

擊賊賊心驚鐵騎成羣皆竄避將兵絕似淮陰能焚糧竟效兵家智此正勝敗大關

頭賊不能繼破自易必自由賊出軍思賊運軍火乾糧馱馬無數擊之皆是時蘇王

未休兵鏖戰數日天地驚破斧缺斨誓不返壯哉瑜亮世並生蘇元春王孝祺分大

及遊勇客民無不感奮助戰陳將潘君奮四出滅迹掃塵羣力擊賊尤勤勇諸

將裏創色不變炮聲如雨沙迷面是兵是賊不分明人馬奔騰聲一片合力併攻接

短兵衝入賊中賊不見妖氛四起匝地昏淒淒釜底滯游魂棄甲曳兵猶挺險突圍

望救再圖存將軍匹馬來天上壁上驩呼喜相望賊截為二不能援援賊反擊仍列

仗網羅面面又合圍我軍奮擊大震威良何二傑戰尤勇猛如騎虎陣中飛虜騎奔

馳後塵至蜂聚蟻屯猶狂恣肉薄陷陣殲其魁霹靂殛破賊勢殺草鋒銛聲不聞

斷顛殘骨飛紛紛力奪明駝斷策應五代鉄槍何足云復自外合擊東嶺轟破三壘

日未曛譬如國手力爭劫遂使敵人潰亡羣是日王孝祺將西路賊擊退遂與陳嘉

卒衆擊之賊斷為二遂反擊公却將張春發蕭得龍斃首甚多奪賊數十連朝合

兵同剪滅奪回舊壘搗巢穴殺氣騰騰百倍增馬頭到處路成血連日合兵收復諒

衛公勞士燭兵機運籌慨欲掃北圻諒李乘勝當如破竹易追奔豈許隻輪歸填軍

又報成師返虜知屢敗危累卵星馳火速報京師城下求成請受款惜哉丞相徒寬

仁謂割藩服息吾民坐令大功敗中道至此 天威不大伸究今外部不敢抗自入

中原首受創若論定邊孰巨功前茅後勁俱名將曲江紆策叙功詳琅琅慷慨列

奏章并為將軍力辨謗誰其繼之賴彭郎張制帥彭宮保俱為公 帝嘉乃功授

上賞五色奇珍頌內帑有才原不愧樂生無封何必嗟李廣智出文饒籌邊樓談笑

風采擢風流勇如武裏銅面具奪得崑崙復邕州功成還家士衣錦笑脫戰袍卧高
枕人道是虎我道龍神龍庶足方斯品歸來畫錦畫堂開戰士歡聲開金罍渡江生
還不及半忠義之氣壓風雷始信將相本無種天留大器為晚用我是將軍舊部民
鏡歌欣上平蠻頌當年生佛頌家家父老迎師夾道遮藩屏吾閩固吾固婦孺萬口
姓名誇獨恨馬江恥未雪寇及臺北亂如麻若使干城仗捍禦何至烽燧擾紛詳部
民願託門下士難得感恩兼知己張仲公歌侯誰在公稟滿中丞謂東廷孝吉甫我
答多受社歌成擲筆還致辭論功惜不及介推驅逐犬羊防蛇豕功在南郡士民知
曲突徒薪保後路敵深切齒且弗顧戈矛幸免變蕭牆瓦釜豈知遭註誤謂廷廷
後患後傷心功罪不能明安得叩 關排 帝京棄瑕誰為一上達寶劍出匣重飛
鳴落拓杜陵身將老百口嗷鴻不忍道雲泥轉瞬判升沉文章失意傷潦倒歷數知
交今幾人倪寬而外白眼頻謂倪英雄不以成敗論獨公具眼出風塵謂任令王
取論英雄子途窮感公尚許可臨別贈言尤知我平生一語最服膺志學伏波馬
革裏賤子亦為知己死願効前驅蹈水火寸心但求天不欺眾口何愁世相左方今
名將益蕭疎左侯先去彭歸虛惟公結髮千百戰海內豪傑恐不如 朝廷籌防重
海嶠指日絲綸宣優詔太傅遺志繼者公鎖鑰東南資扼要歐州局已成連橫耽耽
眾奇勢爭我秦英晉去警楚東洋亦欲主齊盟我 朝成周天命在王侯并力補
牢待慶即王李中堂會同辦理望公摩厲綏四夷為公前籌進一解長歌書捷賀奇
勳靈布我託中書君君不見帖木兒後能幾奇男子明太祖謂帖木奇男子誰王將
軍

王公於同治初年即擢藩司甲申越南之役戰列首功賊平入朝與軍機大臣孫
毓汶送禮三百金數謁不見一日適晤於朝房孫公約公明日見及公晨往至夕
不見公忿然曰我汗馬功勞非汝孫家保舉者也我見 天子尚不為難汝何辱
我至此拂衣而出孫公銜之遂弄權不賞其功使回貴州藩司任及貴州撫入都
孫故使臬司護院以辱公公果慚忿死天下哀之今得張君此詩亟登之以慰天
下又備書其寃以存千秋公道魯陽生記
試問此日倭人犯順我軍猶有一人如王方伯者乎割地償金令人不得不追咎
於當軸諸巨公之悞事也魯陽生又記

賀馮萃帥凱旋作帥名子材

張秉銓

漢家鉅典在中興大樹將軍世親稱從古將門多出將二十年後起雲初雲初者誰
飛宮保將畧本由天授早手擊雄師致太平天教富貴兼壽考少年自拔虜圍中被
脅不屈真英雄三十登壇身許 國奇勳最著是江東從此忠貞動 天鑒駢繁懋
賞來三殿顯皇神武善知人 眷寵頻加何繼繼柳州建節帥旗高旌旆出關三度

勞公前此已三為有老罷卧當道肯教牧馬渡臨洮功成解組稱知足避賢免致含

沙毒騎驢長嘯返江鄉閒看時賢補時局是時外部肆鯨吞岌岌越疆祀僅存半壁

江山銷一炬連營將帥竟同奔 朝廷覽奏赫然怒失律諸臣咸逮捕 溫詔起公

復定邊 國恩深時身不顧軍心已渙沸如湯撫循何日起裏倉潘美驕兵仍再

借公諉過肆彈章指滿中丞 皇知公殊不惑薄譴雖加任猶渥不殲此虜非丈

夫氣憤風雲投袂作椎牛誓眾仍出關破斧沈舟逼諒山遠穴十尋盤地底天梯下

道舞雲間太山未足岳家比岳家軍乃有二子短衣草履齊督師大呼殺賊持矛起

疲兵再戰一當千萬人感奮威震天奪回東嶺破三壘豐功遠軼馬文淵如霆如雷

復如電砲烟膏騰看不見但聞肉雨撲征衣時覺血花飛滿面連宵苦戰不聞金枕

藉尸填巨港平羣酋存者戴頭走前軍笳吹報收城南人鼓舞咸嗟歎數十年來無

此戰獻果焚香夾道迎痛飲黃龍何足算澎湖鎮海檄正飛宣光慶門大震威先聲

所至各奔潰三處孤軍盡解圍我公破竹鹿前進虜計已窮來請命誰秉當軸遽議

和自割藩籬許盟聘庸庸不次出殊恩秩視公孤分位尊不數當年岳少保收拾南

邦報 九閣策府曾聞書舊績扼守鎮江功第一即今四次定交州老去功名更誰

匹回憶能壯武公布衣同起劫孤忠所輸我公福與壽一柱擎天莫與同傳聞飽

又折必多公懷慨有遠圖忠肝義胆折匈奴曲江而外誰知已香帥威名歷盡黑雲都

子當年宰筮管探丸夜報揭竿反經營宵旦保危城囊裏特得雄鷹返星馳珂里弭

兵端未賊潛滋圖蔓難叛將李揚才擁眾出關南甯土匪紛起內應聲靈文

盡拔根株銷隱患至今閩閩慶相安公時凱唱稽惟駐謁戎車承下顧後路前驅

寵飾工佳句蟬媽勞撰著公演劇受賀于戲台作楹聯云後路有春眷曾蒙屢致辭

賴君後勁保全師靈直搗賊巢我方有家可歸去前功屈指幾何日遠判雲泥泣

路歧即論徒薪膺戎狄逆料先幾頗慎密驅羊不惜逞狂言養虎肯容縱強敵桓侯

知我深傾心謂此慮患誠莫深幸免養雁留伏莽豈知積毀翻銷金張振帥上年與

魄窮途乃至此辱公知遇負公期獨立蒼茫淚雨絲回首舊恩酬未得枕戈猶擬效

馳驅公今又復平蠻去海外三軍勞遠馭搗巢誓欲報擒渠掃穴時猶籌借箸眼看

露布快書勳勤勞不愧真將軍可憐鯁生負官帑憲檄自天飛紛紛徬徨進退前無

路側目誰憐士不遇賴公肝胆高照人力解倒懸恤寒素從來成敗難論人磊落男

兒自有真倘許焦桐起爨下不難古劍合延津公是當年舊知己早識讒言同蒼汶

轉圓長仗力回天一洗白壁青蠅恥感君何以報德馨唯當盾墨勒燕銘還將百戰

疆場烈歷表丹心付汗青

越南之役萃帥與王方伯同建奇功不知今日禦倭何以一敗塗地至此讀此詩不勝今昔之感 魯陽生記

詠火輪車呈督師吳中丞大澂

張羅澄

良驥騰斯日千里火出鼻頭風生耳將軍飛渡榆關雄飆車競向津沽起聯翩綴輻
橫天長方軌鍊鋼砥與矢火烟踏凌雷霆轟勢逐奔溜一帆駛灤州之河濶且深鐵
橋百丈接山趾行聲輻輳破空飛騎馳直超天河湫七八百里旦夕間乾坤旋轉山
爭徒乃知人力奪神功追風箭雲不過爾皇路清夷亦何奇方今東胡肆蛇豕萬軍
進發得神速飛芻輓粟賴有此更囑防關諸將軍此物可恃不可恃自古安危出羣
才韓信背水廉頗壘六馭常思朽索時何事襄城問牧子

通幅良馬相况而卒以力戰固守懼事成謀諷之其後中丞驚潰果如襄成失道
之迷於此服作者之志 魯陽生記

題畫三闕

張羅澄

江山如故擊楫中流試問此乾坤何等時也而怡情一草一木之不休寫此贈君君
莫尤圯上能決千里勝隆中可應三顧求山水鍾靈在何許在乎能憂天下憂圖一
幅烟江疊嶂豈勸君學蘇子瞻王晉卿兩個銷愁

曠芥子納須彌天下運掌上葱蔥鬱鬱氣佳哉請試登高一望

乾坤小耶何萬國九州之充溢乾坤大耶曾不見有人焉能分宵旰憂而拯閭閻疾
四顧茫茫此日何日川岳有靈於是陰隲山則盪水則屋綠樹叢裡開軒白楊隄邊
築室閒與知交商治術造化生乎心天下定於一茅廬風雨高卧時蒼生正待斯人
出

長城 山海關作

何肇勳

驪山魂斷宮車出馬窟冰填埋死卒塞下寒沙刷暮潮山頭殘堞餘斜日上花碧血
前朝事幾度滄桑成內地兵士來尋舊劫灰山僧空識秦碑字東夷聞道正磨牙征
戍遼陽散憶家昨夜月明關外過霜鴻嘹唳雜悲笳

志士行

李光漢

一肩挑日月兩鬢生雪霜韶華惜甚况是在他鄉他鄉之人豈不殺賞心事少愁
成斛人生百歲曾幾何坐嘆兩股髀生肉髀肉復生奮襁起誓洗腥羶血吾恥斧柯
未假自雄偉龍門萬丈雷燒尾朽腐豈甘同草木一生不效窮途哭聞雞起舞看星
斗犬羊跳梁真小醜方今 天子歌元首威馳萬國臨九有安得斗大金印懸肘後
蕩滌妖氛酬 高厚君不見魯陽手揮日戈又不見馬援昔日平西封伏波

圓明園始末

李光漢

園係明武清侯李偉清華園故址 聖祖因之築暢春園 世宗賜園在其側 聖祖嘗臨幸園中 世宗入侍 高宗年方十二以皇孫召見侍左右三聖人集於一堂 聖祖有詩紀之以示誇樂 世祖登極大廓宮殿以為歲時避暑聽政之所康熙三朝海宇殷闡八方無事疊修南巡 盛典繪江浙名園景物歸置園中 召對臣工考試翰詹常在茲園其中多明權璫別業累朝締構規模大啟道光末年泰西各國廣集通商者英期以十年屆期者英總督兩廣各夷酋至理前約拒不許入夷酋恨焉率兵北上旋有林則徐燒烟之案議久不決 文宗嗣統洪楊跳梁九重焦思以宮中起居有節思自放於文酒內事委之肅順外事委之曾國藩袁甲三勝保三大臣每歲冬至入宮春初至園時園內傳有四春之寵曰杏花春武陵春海棠春牡丹春皆漢宮人別館又有所謂天地一家春者 后居也 慈安皇后嘗有脫簪之諫 上聞時事孔棘輒自痛哭至於夜半前席命題考試翰詹咸豐十年英法美各國乘粵寇鴟張求通商不決率兵至大沽頭僧王焚其二艘夷酋招集漢奸為洋馬隊數月而成奄至通州 上在園中倉皇幸 后嬪幸熱河時途無供帳道出密雲惟有豆麥以供 御食而已夷酋犯東便門守城者開門遁之入首旋至園守園大臣文豐呼禁兵無一集者與主事惠手投福海死奸民乘機縱火搶劫三封爵不受不數日園燬夷酋已夏里拘刑部園燬後以禮釋酋王公求和不敢斥言為夷酋巴夏里旋偕各國擁兵至禮部訂約五十七條予以海關稅銀三十六百萬兩抵償圓明園二十萬兩 文宗宴駕灤陽 毅皇嗣位 兩宮垂簾巨寇削平越數年五口通商有以興復為請者經言路切諫停止 噫嘻乎駕部張子幼杜手書圓明顛末之大概屬我作歌用紀當代之興廢 聖祖御宇撫中土因明清華開園圖暢春築成于羽舞不見武清侯舊廡 賜藩邸距園數武繼繩繩篤天祐 駕幸園中典章備 世宗高宗皆入侍 三聖一堂歡天地一時誇樂作詩記 世宗登極極廓宮殿歲時避暑朝南面屢朝蹕草重南巡江浙樓臺爭呈妍各各圖繪入園中左縈右拂璇璣宮昕夕入直走臣工趨蹌嗚佩唐虞風 帝曰有明權璫惠劉盡第宅作殿監 宜宗末年海波揚泰西各國求通商爾時耆英督兩粵期以十年議不決文忠禁售烟入口夷酋銜恨兵北走恐思 君心琦牛穆開門揖盜賊入屋 文宗嗣統鼎沸湯西粵洪楊狂跳梁勝曾袁臣號三良內外倚之扶紀綱九重焦思放文酒冬宮春園作元首園開別館漢宮人杏花武陵娛妃嬪海棠牡丹工笑嘖日午酣歌醉四春天地一家春 后居脫簪泣諫聲淚俱時事孔棘帝痛哭夜半前席命題日翰詹策上 天顏喜談笑可却英法美是時粵寇正鳴張夷酋歎關勢猖獗火輪奄至大沽頭僧即縱火焚二艘未幾醜虜出詭計

招集漢奸作馬隊數月成軍備通州 上在園中憂不憂倉皇舉宮幸熱河途無供
帳蒙塵多道出塞雲食巨麥鬚鬚唐時靈武後寇戎直叩東便門守城兵卒走紛紛
司園大臣惟文幸大呼禁兵如癡聾禁兵不集福海死同時殉難惠幸子嗚呼文幸
惠幸不以死節聞但聞當時遭兵焚三經晝夜火不息天球河圖一炬擲別館離宮
鞠茂草至今追憶心煩惱園無恙時 上午夢白髯老叟辭甚痛廢以好爵不受封
自陳力不敵祝融未燬園時已夏里監拘園向人跪既燬園時釋以禮王公不敢
斥言矣旋糾各國酋酋擁兵至訂約五十七條予以三千六百萬兩海關稅償賠燬
園二十萬壘斷獨登操左券 文宗宴駕灤陽城 毅皇嗣位巨寇平和議大定五
口通 垂簾聽政稱時雍 毅皇英武欲復仇追思 聖祖議興脩諫臣切直園止
遣戍怖懼命畢已嗚呼此園興廢數十年誰能一一垂丹鉛野人太息居旅邸聊
歌一闕資採取君不見百代法物何雄魁奴火紅時天地哀通天銅雀成塵埃秦宮
漢殿安在哉

痛哭流涕千秋龜鑑

贈張明遠孝廉入都

張秉銓

平生孤憤指江水元龍而外幾知己不意吾宗有此賢拔劍當筵浩歌起舊上樞臣
罕相書每讀狂喜碎唾壺有才如此不一用坐見東夷成長驅和局雖成辱宗社一

木汝能文大厦枉懷巨海掣長鯨欲請上方斬害馬天涯許我為同心蜀中三絕世所欽

時稱狀元駱成驥對策舉人張羅澄
上書監生蕭開泰測算為蜀中三絕
次即公三則王閣嗟予熱血灑如雨十年操心徒自苦辦香私自祝君民扶策早曾籌
運皆致李傅相書 傷我臺嶠不忍言戰者援絕守者奔唇亡齒寒古所慮
戶 預錄十年前所撰禦夷制略策中 傷我臺嶠不忍言戰者援絕守者奔唇亡齒寒古所慮
杞憂殊切焉訴寃得公崛起維世變陳兵莫忘耐百戰 市售百戰百勝錄列 蓋世功同萬
世名九天早已傳雷電 世公以一世之功 萬 方今奏議五十家鬚髮怒指蚊盤翠錄要安危
商大計輸公漁陽鼓幾過 世之名相則許 冊及安危大計疏一冊 却憶去年關山月杖
策請纓繫南越廣武太息靈於著 公甲午從軍榆關呈吳大澂長城詩有莫使 天馬驕嘶
森天骨此行萬里赴京師伏闕陳書好致辭願以天下為己任當今之世舍公誰

和張幼亦太守原韻

張羅澄

峨山之峯岷江水三絕浪稱豈知己寂寞秋江過吾宗天馬驕嘶朔風起贈我北上一囊
書浩氣直欲吞蓬壺萬言策成歲乙酉失禽早誠王三驅 預言日本十年必亂 十年殷憂
闕民社豈獨千間覆廣廈拔劍未除當道狼倒戈幾喪將軍馬堂堂間老竟何心子房決
策非所欽 相書三上李傅 賄和忍割商於地海嶠孤臣悲失音 福 承 老天何靳洗兵雨嗟我
與公同心苦西北天驕愁旆旌 匪 肅 四 東南國賊開門戶滄桑世變復何言杞憂騰沸怒
濤奔袞袞諸公竟軒臥秋秋新鬼相煩寃艱難時局思轉變金牌莫誤背寇戰滄溟隻手

挽狂瀾紫塞妖氛立掃電四匪何慮勸公報國勿歸家袖刀斬斷絲紛掣運籌決勝吾家事撼天動地驚雷過况復壯歲探蟾月捷報南宮宰西越避殊尸祝長生扇畫翁安內攘外屬風骨壯年宣化獲滅土匪十餘股民建方今羣寇尚興師酒酣快讀秋風辭至尊宵旰焦勞極一肩擔荷者為誰

甲午十二月癸亥衛汝貴伏誅詩以紀之

清鎮胡培元善甫

日光澄廓雷震怒血濺頭顱寶刀汗雄鬼歡呼鴉亂啼執法森森冤共吐東倭六月侵我邊烽烟滿地塵起天三韓離逃悲失所萬姓夷傷痛倒懸九重命將伸天討氣掃鯨鯢移海島輕敵無如子玉驕將兵未信廉頗老詔飭甯夏衛總兵武義瑄瑄從東征命以上將提雄戟方期萬里槍雲平軍裝已備軍糧足盡竭脂膏供行役詎料饑鷹飛著人傷哉餓虎噬其肉師行竟日無餘資芥菜和根木作糜天寒路遠長城窟戰馬嘶號率以羸風暗龍沙雪花起面皴膚裂餓且死縱兵擄掠民怨咨桓桓貔虎為蛇豕礮聲雷動轟天山忍將疲卒委諸蠻萬騎征衣和血染幾人戰骨得生還賊勢蜂圍平壤鎮總兵何心棄甲遁苦我天師南霽雲張巡坐陷睢陽郡謀報朝廷天子嗔繫頸來歸誅亂臣生為民殃死伏罪君王神武皇天仁吁嗟乎殘兵誤國胡至此拚將一死不足抵散告行軍二三子男兒報國沙場死

感事五首

富順宋育仁芸子

萬馬渡遼河千營夜枕戈城亡諸將在律喪兩軍和仗闕書何用憂時淚苦多獨憐持漢節歸雁望雲羅

江海隔中原論都又枉論餘腥先失水猿鶴尚乘軒東海漸高蹈西鄰畏責言嘔餘心血在夜夜似潮翻

前足返秦庭臺灣未解兵潛師謀鄭管侵地劫齊盟星火催和約樓船息戰聲如何聞越甲不恥向君鳴

投筆一書生今朝定請纓稱符驚魏寢懷壁返秦城孤憤遭時忌艱難愧位輕聞難中夜起未悔去承明

神州真不返吾意竟蹉跎忍坐軍需急甯論歲幣多揮戈懸漢日銜石誤虞羅豈見臧文仲當車泣卞和

聞和議定約感賦三首

涪州鄒增祜受丞

早有憂時語即見於出使日記無如暮燕嬉南溟棄屏翰後安南餉旬相繼命陷今日之事智者早及見東道失藩籬曲突新誰徙危樓木豈支瓠稊須及未深悔補牢遲

聖主終神武其如國賊何元戎甘割地上將竟投戈漏甕焦難沃謬臺債愈多向來無一策富貴只求和

委肉當饑虎虛名說善鄰金縢羅振盪七豎喪亡頻刑馬要盟漢輸龍枉誓秦徒聞

天帝怒四月六日定約用玉璽時晴麟閣爾何人

感事

清鎮蕭詩言伯平

不敢會榮仕閑曹樂 聖時干戈多難集出處一身危軍機邊方急如聲永夜悲自

知疏懶性經世百無宜 震宇 皇威懾么麼爾奈何青天騎虎豹白日吼龍鼉四海忙籌餉三軍苦枕戈何

時酬敵愾萬國聽鏡歌 建計和戎好何須水火爭祖生空擊楫趙括易言兵批釁非良策勞師重遠征寄言

諸將帥眾志可成城 兵戈滿天地雪恥貴從今 帝重安邊畧天無厭亂心王師猶轉戰戎虜未成擒

滄上感咏十二首

杜德輿

窮達安有命詩書偏誤身先鞭曾著我壯歲不如人夜讀仲宣賦秋思張翰疏數看

雁南去霜信落江濱 東北尚多難悲秋劇苦辛天涯猶故我海外有孤臣劉永福孤守臺南板蕩中原局安危百

宋卿子堅壘失戎機

枉負皇天寵葉志超牙山一敗但報城亡土易崩葉志超葉平壤而逃烏啼箕子國鬼哭漢家

陵反噬傷饑虎高飛失飽鷹至今悲傳燹孤節獨崢嶸賈貴元之竟使長城壞誰云執法尊方伯謙戰牙山有功反一江濤共怒三字獄成冤馬革空

酬志雄心未報恩不堪聽杜宇月夜喚孤魂 何處求林馬徐邦道與戰馬隊悉陷空言斬海鯨火攻悲赤壁水戰誤昆明和漢

細根偵事丁汝昌控折三千弩蒼茫七十城幾人握兵要卧聽鼓聲聲和漢

東伐歲云暮天寒風怒號主恩逾狹續將命不同袍公家所給袍袍不籌策樓空

寄李中丞投戈枕自高頻年輸餉費可惜曳兵逃 竟割商於地遺黎尚愛君義民不輔車依詭叔弱冠憶終軍北極餘兵氣南溪

有冠氛中流誰砥柱獨立看孤雲 聖主終仁孝深宮奉母儀去年籌餉殊艱上本未開元圖讎况惜露臺費凡新并

一併免舉貌瘦民猶病財輸國易疲二價後兵費蹲池有老鳳何以慰天慈 泄沓天方蹶官謫成邊合甯知汲黯直竟學史魚賢和漢明堂聲援

一統猶全局群凶滿四方羯胡終猶夏張楚亦稱王盜國供私飽焚臺啟夜行可憐
後庭晏七日學宮柱唐景莊臺廢稱王自上伯埋置天德之號
塵上嚴安疏樞臣忌諱多公忠爭欲戰私議釀成和仙隱留侯策張東銓所著 秋
吟杜老歌防邊亦孔亟詎謂息兵戈

法越事平于受台言與臺更均知月慈甫太守

歸安吳曰昆著唐

海上尋爭戰蒼茫瞬息中劇憐戈柄血偏染頂珠紅壯志餘殘壘歸心觸短蓬試看
新法倡遺事想元豐

身世窮通事屢樓海市巾慣看雙眼白愁對萬花紅磊落餘知己觚稜笑轉蓬莫辭
十千去沽酒向新豐

瀋陽雜感摘錄六首

華陽趙 濬孔昭

萬國衣裳會羣凶縱復橫調停終誤主鎮爭頗能兵戰用思飛將時危仗老成憂危
勞 聖主何以答昇平

宇宙餘蛇豕滄江縱虎狼登壇徒選將執王執尊王戎狄由來詐封疆不自強 大
君真盛德恩澤徧遐荒

自昔防東海倭人屢敗盟何忘烽警毒竟肆觸壁爭烽火連邊警哀鴻遍野鳥可憐
寒夜月空照鳳凰城

雁塞烽烟急龍城鼓角忙諸侯兵不至道路日相望莫待金湯固須令寢殿康籌邊
諸將士戮力報 君王

縱橫才未就磊落落志何傷眼見吞遼海心憂問越裳池臺留劍氣魚鳥化豪芒奇語
揮戈者何如放魯陽

寒冬人意倦燈影故園心林木風霜妒干戈日夜侵時危髮漸白愁去酒重斟海上
思張使來槎何處尋

邊外雜詠摘錄十二首

趙 濬

邊門長遠鎮莽莽萬山低人跡荒江月霜寒野店雞鳴墻仍草色古木自雲栖景物
遼東易從今厭鼓鼙

先皇真聖武規畫普天同宇甸長寧靜邊民尚古隆俗咸歸禹化人盡樂堯封回首
遼陽道何時靖夕烽

回首干戈事遼西道路荒將軍若好武寇盜豈能狂善策思良相宵衣累 聖王中
原根本地誰為掃欃槍

帶甲多良將胡為城下盟強邊思李牧持節笑蘇卿卧榻容鼯睡蕭牆恐禍生可憐
肉食輩日日望休兵

空談虞舜化羣厥祖龍非豕縱蛇尤肆兵柔將不威戰魂知有恨哀雁痛無依舉目

嗟身世江山尚夕暉
自有衣裳會何須孤矢征城荒春草碧烟靜海天清不問狼貪甚詎云鯨浪平諸君
操國柄何以衛神京

大夫不自立壯歲苦依人孤負三春月昂藏萬里身凌烟終養總棠華老風塵自愧
才愚國故為 聖主民

世亂惟民苦流離道路難况當逢雨雪又恐受飢寒浮家依岳省歸夢牽車喜絕首
呼天帝何人策治安

蹟武原非聖期和亦未才豺狼安可近費隙豈容開仗鉞空經紀卑宮冀復恢惟刑
咸四海窮髮盡懷來

根本未交更益高覽吉都殊方趨樸俗霸氣產雄夫山翠四圍合江波萬古紆朝廷
資健將尚可鎮邊隅

皓月殘雲偃青霄惡霧纏迴營空逐臭狗苟竟卑天板蕩知臣節艱危見士賢如何
台輔輩亦不慮安全

天道已如斯傷心世事危蛟龍如失勢嬰城敢相欺倘使張天討無難鎮海夷書生
空有恨焉落句何之

閒劉淵亭軍門臺南內渡

松樾陽文藻承丞

曲阜魯陽生孔氏編定

漢軍寶 璋我臣

太倉鮑文蔚貫參
蒲圻覃廷楨陰堂分校
夔州程正學文先參校

雪夜吟

黃岡林郁鈞可廷

蒲圻鄧人梓樹梧

趙 濬

營門霜雪滿弓刀怒馬沙場氣頗豪直欲封侯還故里那知 骨沒蓬蒿
表擁卧一窗寒人到黑甜夢未安自笑陵烟圖畫誤遼東風雨滿征鉞

戰 貂

聞岑楚卿方伯毓賢被議感賦五首

張羅登

漠黔六詔競蠻烟絳節星馳馬不前同治初雲貴大亂 各欽差畏不敢赴 賴有岑彭與漢室 雙錫銅柱鎮

九重甲午秋方伯

恩綸下

南郊銷鑄固銅鏡誰扣黃鐘拜賦棋冤苦邊民留不住家家新建硯山碑方伯既去雲 貴如失治時

九皋風塵壅天聞河內號呼再借君恨我通神才力薄難營續肯示將軍方伯不喜續 營務無一語者
天慳一面識荊州早有陰符待與謀世變萬端才百鍊肖形終向傳巖求當今天下無人 方伯終必大用

晉天忠憤 卷十二

讀張幼亦太守樂夷策作此贈之

海上天驕屢敗盟輸君健筆可屠鯨漢廷若發雲臺議五胡還應問賈生

感時

桐鄉陳仁泰階平

抱膝挑燈漏已殘澄觀世變幾心寒狂瀾未倒猶堪挽大局如棋下手難

書感 咸豐時髮逆之變

錢塘張 恂 謚文節

百粵山川莽萬重孤鳴篝火久藏踪徒薪詎至憂焦額遺患由來誤養癰郭今天亡無
上將孝侯師出挫英鋒後來授鉞成何用五嶺蒼涼自夕烽

已見攬槍指岳州郡官宴客尚高樓忽驚旂鼓天邊落不信風帆檻外收亡命且從張
儉遁守陴誰共果鄉留洞庭自昔稱天險日繼湘江日夜流

鄂渚秋寒捲陣雲武昌城外哭聲聞奇兵背水猶堪戰烈炬燎原競自焚陣上靴刀誰
慷慨地中鼓角正紛紜臨風不盡山陽淚翹首南天又夕曛

建業巍巍萬雉環天開形勢壯鍾山自閭單舸奔逃後遂破堅城且夕間殷浩虛名動
動江左哥舒一戰棄潼關覆巢至竟身安在爭似沙場裹革還

袒肉牽羊竟乞憐豈知禍福總由天金縢枉議求和款玉石難分慘劫年裏憤骨從張
角教破家搜掘鄧通殘傷心一片墮堤柳和雨和風總化煙

蔓延從此剪除難極目中原付浩歎纔報黃腰馳郾郟又聞青犢入邯鄲雲屯上谷旌
旗滿日照甘泉日月寒畿輔由來清肅地休令匹馬近長安

宵旰殷憂仰紫宸樞垣密勿贊絲綸大農屢告輸將置比戶誰憐杼柚貧唐代山河原
廣大漢廷法律總寬仁君看覆轍紛相踵東市朝衣有幾人

台省衰衰列厚公退食依然盛世風懷古漫勞思李牧救時端合用姚崇人才銷盡昇
平後世變都生苟且中欲轉乾坤憑隻手莫教閉戶但書空

書感二首 咸豐時英夷之變

滄溟東望沒蓬萊坐遣鯨鯢跋浪開四海正逢全盛日六韜誰是出羣材談兵趙括生
猶死掠地孫恩去復來定有長城堪保障幾人冠劍上雲台

威行萬里靖烽煙韓范勲名震九邊一自金牌來北闕頓教銅柱折南天奇兵盡撤重
洋戍和議翻移九府錢此日五羊城郭外颶風經浪總腥羶此二詩宛然見今日

張公咸豐壬子翰林辛酉在籍十一月粵匪攻陷錢塘偕繼室勞氏及子愷典從典
念典投片死事聞賜諡茲特選其詩十首者因近日人心大壞去今兩年倭人之亂

夫地千里不聞死節一人與公感慨無異今熟吟之可以立懦夫之志 魯陽生記

癸丑章門病中感懷

新寧江忠源岷樵 謚忠烈

東望三城久未收又聞鞞鼓入中州孤城保障吾何敢大局艱難劇可憂前席屢思康
李將中興誰是岳韓傳危時抱病多幽憤差喜甘霖兆有秋

中倭和局既成天下大局令人不堪設想杞人之憂今日彌甚此詩四十年前不當為我吟之 魯陽生記

諸將四首 乙酉法乞和 同時請戰之臣

趙睿

回首中興將寂寥何人杖鉞輔天朝軍中正疾羽書上邊徼已傳銅柱標海國樓船風雨黯炎方日月甲兵銷功成不受尚書事問訪梅花過野橋 彭宮保雪琴
昆明龍去霸圖空南越由來漢使通充國籌邊能控制武鄉莽入總元戎那堪宇宙歸秦郡忍見旌旗徧楚宮無數生靈荒鬼骨靈煙瘴雨泣孤忠 岑宮保房卿
傷心老将亦陳書玉帛來盟誤腐儒贖武何曾衰漢運銷兵幾見扼強胡明知割地終無賴假託燒丹願自誣西望夜郎東毒國空持節鉞鎮邊隅 鮑子爵春寔
南北冰洋毒焰生儒臣慷慨起談兵越裳望斷烽烟警嶺海徒空寶玉爭縱使子房能畫策無如廣利築降城豺狼反覆由來慣痛哭陳言答聖明 張尚書香濤

羊城軍中有感二首

衡陽彭玉麟雪琴 諡剛直

日南荒微陣雲開喜得將軍破敵來掃盪妖氛摧敗葉驚寒逆膽奪屯梅 地名 電飛宰相
和戎慣雷厲班師撤戰回不使黃龍成痛飲古今一轍使人哀
數憑天定理難伸九仞功虧咎在人一旦休兵驕敵氣千秋誤國恨庸臣屢谷抗疏慙無狀不罪奸諛許目新華夏最行寬大政四夷犬性幾時馴

越南事平作

長嶺張羅澄岷遠

老業當道走離羣天下英雄惟使君 是役以王方伯德榜為首功次馮子材蘇元春 銅柱合銘交趾國金牌

突召岳家軍 方大捷而當軸者重止如戰 兩朝宰相甘談敵蓋代功臣苦策勳 彭剛直鮑武襄統帥亦

材之 功一誤已成休再誤大風長望碧霄雲

中倭和議成含齒戴髮之倫無不痛心疾首憤不欲生不知此恥實當國者於十年前越南一役釀之蓋大捷之後猶甘棄藩服以款和無怪今日齒牙滅裂一至於此讀此三詩當期兩巨公其謂天下萬世何 魯陽生記

望治二首

李光漢

藩籬盡盡肆長鯨五色番旗海上行三島至今為割土中原何日可休兵折衝樽俎需才辨擘畫謀謨屬老成那得共球來筆下衣冠萬國拱神京
橫海何人似伏波盡銷兵甲洗天河關中風雨休騏驎塞外烽烟息鸛鶴甘露承時千叟宴星聚處五雲多何當偃武修文治同上南薰繹止戈

湘綺樓游仙詩五首

湘潭王闓運壬秋

湘瑟清秋更懶彈 湘撫吳大澂自請督兵 只言騎虎勝騰鸞 余虎思從吳後夜總 東華舊吏猶簪筆 黃太守保吳同年一 南岳真妃肯降壇 魏方伯 金換骨 曾震伯陳
甲進士秦充營務處 修嶼被命赴兵 陳平何用玉為冠 謂管官 淮王自是能驕貴 李傅相自請 却被人 軍曾授翼長

呼作從官始詔宋慶總統各軍旋改

只學吹簫便得仙霓旌絳節擁諸天時議欲抑在軍故定知吳質難成夢凡科第人

不與洪崖更拍肩劉統制直督星闕乍辭應受籙軍之命並發神山欲望恐無

船甲戰船五雞鳴夜半空回首驚怪人間但早眠京官眷屬先期出都

新辭鳳詔出金闈爭看河西墜馬郎時墜馬幾折足幸不倚吳持玉斧雖在吳軍有

可能窺宋出東牆宋守保守其後勞拖仙帶招燕使張特請因刻和軍餉為只借

天錢辦聘裝衛汝貴領餉十六萬將十萬寄家如曾受茅家兄弟籙余與曾忠蒙

又休將十養損華陽北語謂

鬱金堂內下重幃玉女無眠自掩扉張香舟移江一月以來辦理塵暗素書常

自讀今日西學已月明烏鵲定何依二相國已出軍某機尚書蛇珠未必能開霧某

國有天死駕錦猶聞勸織機海軍大員設防甚器莫道素娥偏耐冷為君寒透五銖衣

東華真話有新封梁殿親題御墨濃眉城不措張敬筆額黃猶待景陽鍾二仙家

往事如棋局八議和以來有前後夜宴歸來帶酒容王制軍撫湘青雀定知王母意幾

時萬里駕雙龍

吊臺灣四律

侯官陳季同敬如

憶從海上訪仙蹤今隔蓬山幾萬重臺市樓臺隨水逝桃源天地付雲封憐他整戴偏

無力待到狼吞又取容兩字元卑渾不解邊氛後此正洶洶

金錢卅兆買遼回一島如何負劫友強謂彈丸等甌脫卻教鎖鑰委塵埃傷心地竟和

戎割太息門因揖盜開聚鐵可憐真鑄錯天時人事兩難猜

鯨鯢吞噬到鯢身漁父踰跚許問津莫保屏藩空守舊頃忘蜃齒藉維新河山觸目因

同泣桑梓傷心鬼與鄰寄與赤嵌諸故老桑田滄海亦前因

臺陽非復舊衣冠從此威儀失漢官壺嶠居然成弱水海天何計挽狂瀾誰云名下無

虛士不信軍中有一韓絕好湖山今已矣故鄉遙望淚闌干

海疆感事留別十章并序

瀘州萬 慎斐成

夫銘功績韓昌黎有平淮西之碑感事悼時庾子山著哀江南之賦詩人老去凋

張奉先之篇壯士不還蒼涼燕市之筑而况玉關生入期諸異時金錯相遺當茲祖

道子卿足下令德勤宣伯之君侯疇曩足念隨身一劍絕塞千山惘惘出門鬱鬱誰訴

生非木石焉能忘情費借尊壘且澆塊壘時也島夷傲擾海氛揚波奇肱之飛車薄雲

宛渠之螺舟入地扶桑景麗誰謂東方未明析木津遙安顧西鄰言責始則龜龜

爭穴聞內稱兵繼則鷓蚌相持漁人獲利以致祀侯大去莒子無歸黎臣失國

徒歎茸裘箕子佯狂又看被髮老鴉山圯馬首臨江元羌郡荒豺牙匝地

潛師以八乘人之危脅亡齒寒海飛山走幸而天成震怒我武維揚豈禁施而衝
 朝張祖豆息而械械布漫言跋扈將軍惟存梁冀難得救時宰相尚有姚崇鯨
 鯢揚鬣安排十萬艘鱣鰲成營召集六千君子則有燉煌成卒河朔健兒
 稽喜秀才陳安猛士莫不奮其肘足批亢擣虛為王爪牙禽渠掃穴啞其笑矣不失為
 龜茲國王其有意乎大有封狼居胥想細柳旗幟羣看壓倒棘門橫草勳名行見廓
 清區宇矣僕白面措大黃蘆細酸是下界蟻虱臣為史公牛馬走三生金榜徒老江
 東七載溜塵空淹冀北上林賦好未逢狗監之知下澤車乘常發馬棧之慨然而
 人非杜牧雅愛譚兵學異長沙久思獻策賦詩橫槊疇為一代之雄棄劍學書
 竊慕萬人之敵師名入敵南皮人何在白帝城憑弔公孫豎子成名廣武原曾
 呵劉季為此寂寂未免鄧禹笑人起舞躑躅常恐祖生先我豪氣四據壯心紛
 綸嬾事當歸惟堅遠志蘭有秀兮菊有芳美人遲暮車如雞栖馬如狗大客天
 涯伊鬱善感拉雜無章爰賦短篇以舒長嘯少季裘馬愁絕杜陵之花晚歲風塵
 儼編燕將之錄惠而好我請酬玉白千篇曷歸乎來惟切流黃一夢寸心菟結非
 同世子撫掌之資尺喙妄談聊為老僕下酒之物云爾

涼飈吹捲鬢成絲一寸江湖一酒卮下士漫裁西第頌憂時聊賦北征詩人生四十老將
 至絕塞千山路不歧多謝故園好風景江邊梅發正垂垂

扶桑東望繫梓山徐福求仙老未還久已夜郎知漢大誰令胡虜笑秦關衰草尾瑣
 家何在節斷羝肥客賜環箕子風流湖開國又看被髮向人間

龍城裁起霍嫖姚綸綺鸞迴下九霄要使大同躋壽域豈容小醜恃天驕破殘折斧思
 公旦恭邸復出機收集共球拜女堯太后初十日慶節雨露雷霆總恩澤中興時局

聖明朝
 罪言吾亦欲云云馬稍從衡正策勳故技捐除無妙道畸人出處似超羣塚中枯骨哀
 公路天下英雄劉使君劉詔起暫露青眸看赤縣綱爭鬪角大紛紛

無當休嫌似玉危短衣長揖一軒眉宗周春念憑塵婦幕府安危訊可兒行見鸞烟真得
 志何緣鵲蚌久相持帳前我羨王昭遠如意錦鐙鐵一枝

狂譚捫虱氣難馴應識中原大有人九死敢辭心壯烈書生原具膽輪囷維桑敬止當歸念橫草
 功名遠志身莫請粧嫫頻費黛他看圖畫上麒麟

玉勒金羈鐵鉅鉞男兒骨相豔封侯鯨濤盪劫地中海蟾月流黃江上樓知我有誰
 同鮑子笑名無屬龍頭年來翻閱人才簿笑倒温嶠第二流

衣上緇塵劍首斑十年舊夢落燕山子身為客又千里七發詞成禦百艱元菟郡
 荒狐嘯野鳳皇城老虎蹲關駮駒局促卿曹賤一出風塵一破顏

登樓清嘯聞悲笳朔漠天寒春不花喜怒好探王短簿治安還策賈長沙五洲棋局

客千變萬國梯航總一家寄語閨人莫惆悵出門一步是天涯
昨向王戎墓下回黃顰歌曲劇增哀千夫涕泣興元詔百代風雲廣武臺燕雀安能知
雁鵠駕駘聊自儷龍媒好憑十萬橫磨劍斷得匈奴右臂來

有感二首

貴陽曠清硯詒

籌邊高踞海山頭南北茫茫起素秋馮異樹枯飛鳥疾桓温柳老晚烟愁金臺翻為
埋神駿座客徒勞賦海鷗感事心情莽牢落臨風揮涕感神州
神山東望帝台棋海霧蒼茫畫角悲妖梓紅羊新亂後秋燐碧血暮寒時杜
鵑春死降王走烏鵲南飛漢將馳容易西風驚歲冷登樓王粲賦征思

感事二首

張羅澄

南關舊恨積難平又聽東隅戰馬聲有越南之和故誰鑄九州成大錯忍教萬里壞長城延
陵伏劍前鋒挫某公不越石投戈一枕橫此榆關漫怪相公願獨厚創深痛鉅苦尋盟

博相行成日人
小山鎗傷其面

枉將迎擊佈黃麻甲午七月朔有一過沸潰悲聞塞上笳任事模稜蘇味道上書痛
哭賈長沙乾坤有意用豺虎夷夏何人搏豕蛇後氣未平剩有圮橋遺策在還

輸丹烟報 天家

宋育仁

送黃太守歸國從軍

一雁南飛悵失羣海天愁思正紛紛忽聞遼左驚烽火却望京華隔陣雲愧我
投閒三萬里送君橫掃五千軍平戎策在無人用不是書生只好文

書感

松姚布衣楊文萃

鯨鯢未剪漫興波惆悵滄溟喚奈何誤國羣奸真是賊籌邊六練竟降倭訂汝昌時
字與切金牌已抱千秋恨鐵券空輸一局和獨喜將軍劉越石海天重返魯陽戈已為棄地劉淵
亭距守不下

楊文萃

聞劉淵亭臺南內渡

龍驤莫制虎牙磨我軍待旦將軍獨枕戈咸海則丁汝昌甲領降平壤則葉志超掛白旗
辭欲為危時撐大局肯輸壯志屈么魔賀蘭忍陷睢陽郡關浙督撫無藝祖終思大
渡河國家何忘之畢竟天亡非戰罪幾回擊楫淚滂沱

贈張羅岷遠孝廉澄

巴縣廖映旭紫暉

少年書劍苦經營壯讀陰符訪穀城振筆欲扛秦九鼎尋章早陋漢諸生薰
天宰相推肝胆書上薄海蒸黎識姓名河兩嶽雲誕非偶莫愁無路請長纓
摩霄鷹隼出風塵匹馬扁舟剩一身侯郎燕歌長揖客屠沽飲博古山民激昂仗
策輕生死從軍出關孤憤陳書泣鬼神代呈請漫惜毛錐難脫穎蒼黔延頸望斯人

登角山

興文何肇勳紹放

烏道縈紆于遲層巔高立午曛時為尋殘石摩秦壘俯瞰連營布奕棋廣武偶然據
壯論龜山何處情愚移老成東駐堪投策長白當年是始基

哀臺灣二首

張秉銓

無端劫海起波瀾絕好金甌竟不完陰雨誰為桑土計憂天徒作杞人看皮如已失毛
焉附唇若先亡齒必寒我是賈生真痛哭三更拊枕淚闌干

記曾巨鑑赤箴開早識東夷伏禍胎海外情天難補恨人間劫火忽成灰險隨虎踞
龍蟠失憂逐山窮水盡來唐總統前十年台道樞密云山窮水盡憂來無奈倚闌干遂成惡讖枉說請纓舊儒將沐猴終

竟是庸材

又

前人

開門揖盜已難支况復紛紛錯著棋太息羣才皆豎子何曾一个是男兒河山風景
傷無異鎖鑰東南付與誰笑煞談兵均紙上浪傳都護策無遺

甌脫中朝本不存可憐浩劫滿乾坤蒼生蹂躪傷盈野紅女伶仃禁閉門後人夜不
許開門真宰訴天應掩泣哀魂動地尚呼冤黃金不共遼東贖極部分明近寡恩

甲午九月津門感事

前人

登高望遠恨無端滿目烽烟不忍看未了寸心慚負國徵擊隻手恨林官長河馬邑
西風緊枯樹蟬聲夕照寒青眼歌中一搔首問誰砥柱挽狂瀾

憶昔春明作吏來風波如此信堪哀有人竟悞東坡元何地能容北海才悵望飛鴻遵
淺渚虛傳市駿上高臺淒涼怕聽軍書報且盡茱萸酒一杯

罷官十載尚清貧百折難磨是性真挾策早曾壽牖戶辦香私自祝君民漫揮
憤世雙行淚空負酬恩七尺身強欲請纓無那老本來臣壯不如人

酒酣萬世付悠悠其奈消愁愁更愁夫國苟卿偏適楚辭家王粲強依劉虛聲到
耳驚風鶴浩氣填胸逼斗牛一語自嘲還自笑江湖也抱廟廊憂

登角山山在臨榆縣北八里景
名瑞蓮峰日可看日出

張維澄

初日紅輪捧瑞蓮望空誰着六龍鞭芳辰結客聯飛鳥亭午僧寮最冢烟絕頂
親摩秦代壘寒光共指海中天最憐雪滿關山月多少材官正撮肩松嶽所屬
腰帶均被將帥
和去故如此云

乙未元日和吳中丞大澂僧寺題壁原韻寺在榆關

張維澄

平生不慣口頭禪諷其好性性海澄觀自在天二十四番花早信百千萬劫佛前緣偶從戎
壘據長策趁取封侯及壯年寄諸闍黎須捨法金剛借我斬來廉因原作云得暇且尋方
外樂海隅何異有飛廉

送張羅明遠孝廉澄從軍山海關

侯官林正本石根

長城列格塞橫榆傍海環山敵萬夫况復飛車通北道大輪車從
關達天津何難破竹剪東

胡三更雪月吳鈞冷萬斛風沙阮履粗投筆會須盟帶礪先鞭能著祖生無

乙酉從軍安南議和旋師次於竹園館趙氏書室夜飲感賦 吳日晁

讀書擊劍兩無成空向窮途萬里行南越未歸爭戰地西風猶送凱歌聲當年

銅柱人誰識今夜銀河月更明莫道旅愁消不去館餐還記主人情

讀張羅明遠孝廉感事詩和贈二律

吳日晁

漫提長劍倚崆峒斬鯨驅蛟事不同莽莽乾坤自真宰滔滔今古幾英雄盤虎

路誇形勝海立雲垂息戰攻莫向赤嵌悲故壘與君樽酒話遼東

高歌如送斷鴻聲咄咄書空訴不平自古英雄疏遠略何人痛哭計時清霸才江左常

王猛年少長沙困賈生功狗功人誰努力眼中狐兔尚縱橫

東渡口占

陳仁泰

穩渡鯢洋浪萬千飛輪護送小遊仙青山隱隱收雙眼碧海迢迢駕一船欲掃蠻烟清

澗宇須憑浩氣薄雲天何時遂我為霖願得與蒼生解倒懸

感事四首

仁和程 銑滌雲

猷策金門計久疎誰教挑釁起兵車泰無李廣封侯相羨煞王通伏闕書荒服河

山烽火外故鄉將士死生餘中原從此成多事極目邊民半已墟

芒絕長庚落陣雲十年小變又紛紛自法事至可憐節府無良策誰起書生建大

動法界繞清狐兔窟日氛又逞虎狼羣老來傷亂愁無極且擁孤衾倚薄醺

傳來消夏暗魂驚自愧終軍未請纓掃穴無能誅巨寇當關誰可仗長城金戈鐵馬

遼陽路鶴聲代兵苦為浮名羈海上海教羸馬誤平生

驥首時賢感憤多禦夷善策近如何張勳亦太守著禦夷制勝策明籌邊不讓王新

建破虜曾無馬伏波充充諸君爭擁節洵洵行部漫投戈傷莫吹薤猶非晚快盼軍

前唱凱歌

昔添女防周室之隕髮婦恤魯國之危余亦一女流時局驚心杞憂何極邊氛未已

傳聞金臺又失款歎久之因讀杜甫諸將作枯諸君何以答昇平句擬成輓轡體以

寄良人桂霞真吾道子藉摠忠憤之懷復憶十年前隨官粵西作每逢佳節倍思親

句輓轡體五首頗傳於時昔為思親今為憂 君忠孝私忱不以閨閣異也言者無

罪聞者足戒有心人尚共鑒之 吳航女史 邱伯馨

其一

諸君何以答昇平奉使無端激釁生莫慰吾

皇憂社稷翻教上相負

承明東溝船破烽烟急南海筵停鼓吹驚戎首獨無才靖難中原從此涕如羹

其二

浩劫關東太不清諸君何以答昇平所聞董子陳韜畧愁聽吳兒曳甲兵鐵路轉思
鏈豎亥金星猶復耀長庚老成第一推劉錡赤手仍能擊巨鯨

其三

紛紛威旅困羣英厚祿曾無眾志城

天子非常賜顏色諸君何以答昇平銅臺炮委兵先濟鐵艦波騰機盡傾枉費十年陰

雨計可憐丁謂玷公卿

其四

難得臺民仗義爭誰知蛇足百無成林舍敗類猶貪賄唐儉庸才枉請纓

聖代即今多雨露諸君何以答昇平憐他越石揮戈起空說英雄振振聲

其五

坐愁桑梓寇氛萌安輯哀鴻仗眾擊中憫還思報

君父男兒况要立功名馬江有限天猶泣鷺島無情水上清漸愧蛾眉學杜甫諸君何

以答昇平

張秉鈺

復政頌代台灣紳民送劉省三爵帥歸田

昔者道明掛神武之冠晉公治東都之第巴蜀銅房謨之馬漢民攀侯霸之棘凡以
威德之入入者深政去思之擊民者切况乃輕裘緩帶腐折衝於樽俎之間雅歌投

壺策治安於衽席之上紆南顧之憂任北門之寄而復體天道成功者退為天下

得人為仁如我官保爵帥省三劉公之嘔拊羣生經營八表者數吾鄉台灣作中

原屏蔽繫七省安危龍蟠虎踞屹立扶桑陽谷之間鹿耳親身遙踏呂宋琉球之背

利則萃乎煤礦五金食亦儲乎蔗茶百穀海禁既開島夷咸思窺伺輿圖可接天險

宜固藩籬也昔歲法人啟釁我國戒嚴朝廷特命公為全臺督師大帥淮軍望重

草木知名都護功高雷霆比怒其來至申江而見法使也面爭詞壯口伐氣豪責以

二心裝潛禡單于之膽折以六事契丹感富弼之誠於是西洱暫緩過河東明始遲

度水公乃戴軍械以披星架戈船而飛渡馳驅先至防禦多方衛霍宣威遠臨瀚海

甘陳敵愾遂定康居時則賊蹤跳梁敵氛猖獗震烏球炮火環螳子輪舟欲得甘心

實福至此外授已絕三山消息不通內變將訐羣社謠聞殆甚公則謂鼓瑟原非膠

柱求劍何必刻舟不扼要區將危全局逆聲東擊西之詐度敵必犯基隆櫻擣虛批

亢之鋒提師急援滬尾彼雖一關上岸我仍眾志成城軍前草檄既泉可汗之頭天

外寢兵亦斷匈奴之臂斬馘者五百餘人繪圖者三千法界以縱為輪轉敗為勝卒

也來庭請罪叩關行成天子以六合為家原無畛域丞相一和了局反棄藩封公

公乃以韜鈴為干櫓以禮義為戈矛贊普投誠郭震立談而定疆界唐恪撤衛西戎

感泣而解甲兵摧陷廓清建牙仗鉞索弓而修文事創興孔氏廟廷鑄戟而講農功

經理周原疆畝從如歸市莫厥攸居觀彼流泉聿來胥宇遂爾西學創格致之科廣
招英俊東道遵蕩平之路盡關町畦舉凡修築邊隄則周宣之城朔方也選練士卒
則方叔之陳師放也預儲器械則允文之講礮石也兼備舟車則王濬之營樓船也
蓋莫不勝算全操神機默運者矣且夫水由交衢而不必循乎故轍者操縱如神也
淬鋒斂錐而不敢露其鋒芒者摩礪有待也向使帷幄無人門戶俱失比屋皆驚風
鶴三軍盡化沙蟲何能完厥金甌任長城之託禦茲鉄騎建砥柱之勳者哉今則天
孽自雄墟孺永靖外憂既息內患猶存不招冒頓心降難令昆夷嗟息公則又身冒
瘴險手掃棒苕既定羈縻遂興撫墾屯田事立答番書成固將忠信而行諸蠻貊之
邦庸有血氣而罔識尊親之戴庸其知覺復觀青天隸諸版圖皆如赤子頌禱同聲
知中國復生 聖主遐邇壹體信戎夏不抗 王師以故 寵昇九重爰晉 青宮
少保威揚萬里更加震海典軍而公歎然不矜抑然自下 帝澤如春禮皆異數臣
心似水口不言功至其從善如流任賢勿貳奮馳驅者優以至誠之度萌背戾者臨
以不測之威賞罰必公寬嚴並用薦紳殷然効命精士為之忘軀惟披瀝以膽肝遂
聯收乎指臂此則置驛推轂鄭莊能存問故人脫穎處囊毛遂因拔出說士者也茲
者函夏無塵防秋有策九衢日麗千里風和范希文雖退亦憂陸公紀為疾所苦盈
餘是慮下潦上霧之重蒸受 命以來甘食安寢之弗暇雖銅柱已標其界而玉門

願此蘭言... 帝許乞身臣能知足當官於物有濟守貴則高不危符冠既平安

石寄情於園墅夷使卻立潞公退隱乎者英儂諸昔賢殆無愧色矣嘗論公勲名大
節文武兼資聲頌乾坤推倒豪傑汗血一生似空羣之麒麟光芒萬丈來撼樹之蚍
蜉表偉伐而靖浮言有他日名山信史勒官碑而揄德政非吾曹鄉曲私評某某等義
屬部民感深知已瞻韓獲願借寇無由親親徽猷莫名景仰分殊朱輔願編慕化歸
義之章才愧王褒竊擬聖主賢臣之頌其詞曰魏魏 聖清受命於天奄有萬國覆
育無邊維彼臺城久附城堦 皇猷廣被 聖德遐宣蠶爾法夷遠在天際詎負懷
柔忽萌異志逞其奔蹄入我內地 帝命豫州馬首之東為時名將身任元戎同仇
洩憤以奏雷功造次而來並力交禦狂寇披猖血潮肉雨跋扈飛揚驚我疆圉公之
用兵不主政常謂如猛火將炎崑岡特開湯網用保既疆於錄 王師同捷駭越戮
其兇酋志窮計屈始懼 天威城下盟乞而此巖邦完璧交欣 天顏有喜權公
撫軍民謂生我惟劉使君督飭羣僚各勤百職大度汪汪小心翼翼欲暨全台休養
生息何茲小醜敢拒 大軍爰整其旅伐罪奉辭戈矛雲耀舟楫馳如湯沃雪如
山壓卵於是群番紛求受款終公之任誓不復反維九牧君能布甘霖開畝十萬寸
土寸金日漸月漬西成自今臺民有言 公來何暮內撫外綏仁政悉具四方來同

紛紛東渡唯公運籌慮無不周尚虞曠職為世所尤賢勞歌耿引疾乞休 天子鑒
公所志甚善不蔽賢能不矜貴顯送 旨眷留勉從慰遣在昔阿衡一介真微救民
伐夏復政告歸公今繼武幸遂初衣猶歎我公忠心存 日江湖 廊廟解憂何術
願濟時艱東山再出猶歎我公出處尊榮事光前冊永錫頌聲願如令公富貴長生
此辛卯年東渡作也現台灣已歸日本長城先壞統總逃矣一木難支將軍走
矣鄙人身羈海上魂斷江干無淚可揮有血皆熱于戈望遠悵浩劫之漫天吊
祭何年嘆陰燐之動地因檢行篋存有此作諷誦數遍歎歎又之回思欲如劉
省帥當年與法人相持數月基隆雖失仍小挫其鋒滬尾一威遂大破其胆河
山無恙桑梓依然其可得乎既悲鎖鑰之失復深願牧之思追昔傷今時移勢
易後之覽者將有感於此文 時乙未秋月三山張秉鈺注

哀遼東賦 有序仿庾子山哀江南體

長甯杜德輿若洲

粵以乙未之年建巳之月東奔扇逆和議行成余乃歸自京師寓居滬江賊氛未熄
留而不歸時危道艱迫於斯役上書窮於蘇季憂天甚於杞人此世假讓余涕於邑
長沙之慟器時勢策以治安少陵之陰懷君父責在諸將首韓非子之孤墮東方朔
之客難著有成篇託為慰志班固之賓戲自諭不遭崔駰之達旨未遑求仕德輿年
逾壯歲始舉孝廉蒿目東瞻籲天長嘆西風纏綿未免悲秋北洛鶻聲祗深憂世擊
祖生之櫓抱憤江中請南越之縹空懷關下蘇州嘯傲黃浦飄零夷歌有亂耳之音
女樂非移情之具進為此賦聊以抒懷不無感憤之辭惟以告哀為意日月逾邁河
清未極嫖姚已死瀚海塵飛李廣云亡北湖風勁若教失祀呼餒鬼而無靈項羽高
歌嘆逝離而不渡魚門懸宵詎深蓬蒿之虞烏幕退師設有虎狼之懼廉將軍之善
戰惜其已老楚子王之驕敵知其必敗樂軍無計空貽笑於塘谷養肉何益遠甘心
於虎蹊岳軍之勢成背寇人纔五百謝安之威兼吹鶴兵止八千遂乃戰勝朱仙
除秦虜豈有萬眾東征一朝北清風摧雷掃如枯葉馬道海無一贊之防榆關無重
籬之備嶺頭鐵額者與暴皇年封豕修蛇者行從華域將非上國雄風挫於諸臣手
乎是知庸才辱命不免噴谷之悲聖主申興卒有滹池之厄嗚呼陽之運運大敗鄧
之不存水府瑣星有勳華而莫救天殄地黷可以流涕太息者矣况後駭浪狂奔萬
里無風之踏唾壺聲碎壯年以伏櫪自鳴關者欲失其音義者欲據其曠王仲宣
之登樓賦洩之其才成之哀江南爰仿其體

大清之

箕聖登皇廓四維而鳳舉

承天撫篲揮摩部以龍興珍中邦之流寇掃橫海之餘腥莫燕京而為宅拓荒域而

來庭選

國祚之縣延有

神宗之代起藩臣定於淮南蠻服誓於瀘水甯苗民於三危見回紇於單騎陽城則張角已誅甬東則夫差可從銅柱思文趾之盟鐵碑紀滇池之美方肆剪於鯨鯢正無憂於豺豕波振四海塵昏五嶽鐵甕藏狸金陵挺鹿魚罩乃稱假王雲臺悉為列宿汾陽復兩京之舊劉宏致百城之福况乃

風光宸掖

德頌官閣娥臺此迹似愜齊徽裁繒減膳披練垂衣義明八遠道變九圍綰帛頌於耆老簪珥警於嬪妃淘汰法天而式化乃成功而引歸我

皇親政之歲甌生食饒之年始聽經於虎觀仍讀史於馬遷訪相如之故里慕揚雄之太元有經書而無庫足文菽而非淵臨溪水暖濯錦花妍醉春風於郛酒弄柔翰於壽筭乃振翻而不飛屢遺珠而見棄黜羅隱而告歸厄劉蕡而下策除名選佛之場虛願登科之記於時

化光玉鏡詒息金科貴德張緒益封蕭何我利收於魏絳詔書賜於尉佗安平則鐵籠車軸昆池則艦列樓戈物禁奸蘭風清武帳輸貨籍秩授權將相度翼之戎政嚴明向寵之軍事曉暢助箭之定天山文犀之息風浪二十年來中原無事文饒為籌

邊之臣元鑄為責盟之使枕戈空激於劉琨醫國猶伏於陸贄豈知東海潛州南山隱豹高歡以賞財結客陳勝以旗竿號召

朝廷方崇禮官揆文教捧獻壽之觴下興廉之詔襮彗星而祈祥結匈奴而修好河上戍兵門前揖盜臥鞮鼓於漁陽關山林於蚡冒程異以空庫為有餘蘇秦以合從為至要賀堂深於燕雀安枝棲於鸛鶴曹邱則數顧金錢元代則善藏刀鞘桑戶不能避陰雨之飄林柯不能禁颶風之暴既而天假強胡連兵構禍山警烽烟江橫鐵鎖潢池弄波赤墜埋火乃選將於李陵更屬軍於魏顯固知投鞭而斷流不能圍棋而坐坐矣彼騃踰之成性正雕鷲之摩秋搏影則為烏為獸興雲則如馬如牛暴邊境而鳴鏑伺甌脫而伏矛善誘兵而冒敵屢抗命而尋讎值乾坤之清夷尚有事於翰將吳子與盟於中夏單于視學於講堂柳渾先料其異志任尚徒總其大綱狼貪猝變蠶食為殃和親絕於異域奇兵伏於遐荒始則啟禍江黃稱兵曹衛欲封縣而滅陳敢射天而學羿淵勒起而亂華飛黃出而奮銳嘆大角之躔兵嗟樊噲之守歲師敗鵠軍陣摧魚麗燧象狂奔火牛颺逝地則沙走塵飛天則雷轟雷擊華元棄甲而馳簡子中肩而斃箕子遺封一朝授戎包胥器於廷上黎臣痛於泥中充國無禦邊之策劉錡鮮破虜之功趙括何知堅壁周瑜未便乘風遂乃權炭流湯沃焦覆瓿怨賦未儒悲深子仲血濺水流尸填土壙鎮惡之艘幢不飛劉晏之船塢無用

子反為後殿而奔馬超為流矢所中擊鼓遺袍藏軍覓洞電影交馳風聲亂聞退師
何止三舍坑卒至於萬眾龍沙則帶甲應寒馬窟則長城俱慟將軍立名困守孤城
諸將先遁一軍不驚城崩化燼糧絕呼庚以寡敵眾雖死猶生天沉沉而鬼哭風慘
慘而雲橫張睢陽之厲齒仲子路之結纓洞骨傷脰苦於江元亮亡身殉國慘於辜
忠貞問東征之一役誰復有此精誠伯謙為將雖畧豪官戰具整齊舟師勇壯挽承
矩之刀魚乘豐稷之海浪神勇奮於澹臺老謀深於陸抗隻手孤撐兩翼先喪益竈
俱沈帆檣無恙秦豈乏人魯未可量乃藉公以行私敢欺君而罔上措三字而成寃
壞長城而失傍楊僕死而樓艦危子胥浮而怒濤漲於是賊鼓紛騰陣雲莽蕩敗則
卷霧先逃退則聞風四望雖狗瘦而堪虞竟牛後而甘讓將敗兵窮山崩瓦裂火焚
其旗軍亂其轍趙失魏和魏因虞滅推勳督之三千棄連營之七百望榮陽而走險
還霸上而定策爾乃示吳將以輕裘老秦師於高壘臥營中而解衣傍城外而塞水
李績鎮於塞垣晉人期於南橋驚謀報之傳宣馳輕車而赴轅彼吞鯨而浪靜胡縛
羊而鼓喧知談虎而變色遂躍馬而驚魂咸安返於趙壁伍參改於南轅既失守於
李牧空習射於樓煩棄險墮關之隘駐軍雁塞之門疵吹毛而獲罪石燒海而呼冤
若乃中丞李公捍衛山東畫山容而多算鎮藩籬而有功曹劉猶慎於妄動李綱無
取於進攻民編伍兩士送驍雄持軍負雪駕艦馳風借量沙之高唱復易旗之遞逝

登州萊州萊州濱海無際截董布於先登擊楚軍於半濟開壁有餘破竹無勢嗟我
皇之握符見羣酋之亂世本蓄怨於東夷又悼心於藩衛墨子顧而生悲君山感而
流涕流涕祖籍隸於蜀南家居鄰於涪水負題橋之素志愧凌雲之絕技昔走馬於
成都今驅車於燕市衛品不居王前未賢請自隗始步月窟而探蟾登龍門而躍鯉
願飛鵠而仍留數聞鷄而欲起於時獵狐侵方至於涇陽臨江橫槩跨海飛航雷車
火繼鐵甲金槍駕鼉梁而競渡出狐窟而寔昌魚吞舟而善伏蒿刻木而高翔崆峒
之人武勇蚩尤之霧昏黃獸不困而敢鬪狼反顧而森張
天子乃勞心宵旰軫念要荒神謨發電盾斷凌霜潤生靈之塗炭怒夷虜之披猖兵
甲授於馬武樓船統於龍驤遣信陵而就趙命虞謝而平寇賞諸軍而挾纊呼我士
而趣裝奉母儀而敦孝節充費而充糧謂六計之稱奇將八克而制勝戰功必出於
兜鍪擊虜自隨於鞭鞅兵仗橫陳風聲迅聽擊温却而書成斬公孫而期定爾乃魯
衛不睦渾渚爭先冠軍置酒驩會莫教舉趾高齋樂慶違命於首偃與駢見惡於趙
穿東睢渾之水赤矣門官之屬殲焉二陵未知死所兩廣無復生旋或以有罪當誅
功受貶饑鷹側飛餓虎難養張彘憲之虧減月工王應朝之尅扣軍餉覆裹雪餐糜
和冰釀麥麩青枯蒼華白放擄掠千羣顛連萬狀是率獸而食人直為盜而非將士
馬如林不戰而傷又或茫茫平壤望敵先驚斬關忽遁拔寨啟行笑人百步輸局一

程渡江列陣背水藏兵江東坐併於孫策河北名冠於方平七十城之版籍數百里之屯營莫不沙崩石破路斷橋傾若夫愚佻短畧腹暗目暎扼要誦閉關海岸敵軍軍飛自天來強寇絕於山半總兵七人聞聲而竄巾幗遺羞旌旗自亂警枕誤驚於錢鏐地道空築於羊侃將不省兵眾焉能戰昔之樓櫓備戎加以矢石紆難可借創自十年壞於一旦至若國庸臣大言欺人師出無律兵退無因望援軍而遁跡畏前前敵而回輪顧榮之羽扇藏篋羊公之裘帶生塵王恢逗撓而遠避景宗按甲而逡巡喪師失地辱國誤民備人實惟作始暨子難與謀新聲竹不能書其罪決水不能濯其身俄而汝昌先投揚帆駕舟逝彼浩浩去國悠悠望塵蓋於金門暨旗旛於石頭蘇峻肆逆於東晉庶其書盜於閭邱降表李世家之起草宇宙大將軍之反讎如君之背不如齊王信噬人之肉有似呂温侯况復盲人失路喜鵲羞負山少力錢國無鉤躡池老鳳加冠沐猴殷浩正書空之日秦檜當禁戰之秋莫解嘲於蕭娘呂姥因失望於杜斷房謀奏疏請斬於張詠防微隱疾於韓休乃使邊塞鳴鑿關山碎笛士氣傾頽

皇哀慘激烽火通於甘泉戰骨暴於沙磧李邦彥固請未和哥舒翰不能禦敵骨鯁廷爭蒼鷹殿擊宋使增幣而憂危里語敵棟而警惕未伏

關而陳書已尋盟而捧檄委商於而賂秦割齊民而附狄說和之印累疊約法之條歷歷一敗一賊至此云朝不感眷言藩服魂斷心悲戚公泣盡鄒子歸遲喬木全壞荒城半歛宮之奇行悲龍尾百里奚去嘆羊皮烏啼月落烏泣花衰燐飛失火骨冷無尸宮廢黍離之地臺荒鹿走之時則有窳身異域避亂天涯妻孥泣路親朋哭家鬢華白而蓬轉血淚斑而竹斜見離鄉之伯玉逢遠道之秦嘉莫不望塞雲而增感對關月而長嗟况復君戎遠西妾在碧溪沾衣搗月匣粉封泥紅蘭露泣綠草烟萎蕭麟之歌相覆沈約之韻銅鞮今暉有楊叛兒之曲孝武為丁督護之題別有停虜不還風蕭水寒荀瑩危而釁鼓鍾儀虜而戴冠學斷髮而身毀聞割舌而心酸午夜之胡笳不斷丁年之寇劍空彈若遼陽之亂離乃蔓延之漸致昔僅擾於邊疆今已乘於內地漢陵之草猶芳岐山之水無異天耶地耶將卜鼎於千世伍員滅楚而功成班超封侯而志遂宗澤之留守堪防張良之復仇甚易袞袞諸公同寅協恭興利除弊補漏彌縫與君痛飲直抵黃龍支持大厦以禦羣凶世無平而不波道無往而不復惜清談之流輩誤天下於荼毒羊雖亡而未遲犬不顧而何遂際

聖君之神武食胡為而徒穀且夫成仁取義正氣歌焉昔余祖於當年靖土寇於蜀川洎余身而圖遠又驚變於蠻烟傷心諸將退縮不前主憂國辱余欲呼天况復朝有癸吏野多遺賢順天者昌得師者王舊格蠲除虛衷諮訪將縱壑而魚肥更康侯而馬壯頌合進於王褒夢早卜於呂尚宋仁宗政府之察奸漢高帝軍中

之拜將掃氛穢而告成奏凱歌而驩唱蘇民命之毒痛釋余心之悽愴諸葛亮臨文涕泣不知所云馮將軍收功桑榆竊有所望

此賦作三大段看前由本朝開國敘起說到東征之敗而思諸臣之能濟艱難者為一段繼由本身敘起說到東征之敗而思諸臣之坐失事機者為一段末段以瀛嶽出之哀字寫得悲歌慷慨酣暢淋漓一字一淚令人不可卒讀而序中策治安責諸將二意於煞尾點出而望其有收復之機非平日憂國憂民先有一腔身世牢騷之感者不能構此至其取材閎麗用筆清新胸羅全史而以騷情逸韻出之直追六朝神境拜服佩服年小弟子敬馮東鏡謹注

補遺集已成諸友復紛紛寄稿不能割愛因補錄於後故次序多紊

述異

張羅澄

孔壁金絲焚天壇赤標怒遮道廢原史胡爾積薪厝前數年孔廟焚而天壇又丈鯢身鹿耳民悲憤幾時伸莫言玉斧劃鴻溝劃海神由履渡臺于丑年海中水忽成陷一陶然亭子下屋有南下窪澤鳴如牛吼料是金蝦蟆都中南下窪子甲午五月驟中如牛鳴者廿餘日李富風謂澤鳴者是也蛛網蓬蓬然六街垂雲幕料知王母壽結彩相娛樂甲午十月大后六月大柵欄及正陽門大街蛛網蓬布網八月詔得慶典以益軍餉海氛故不惡有人揖盜來天先戒禁禦三戶一雷開甲午七月正陽門柵門午門一雷而三戶皆散如有擊其扇者海嘯波沸揚蛟龍吼聲壯如何海島夷反破蛟龍浪乙未三月初倭犯大沽口海嘯水沸

盟書畫諾日誰捕奸庸誤晴空乃雷聲知犯天帝怒

和約定於四月十日鈐印十四日五條某畫恐滿朝不服翻動和局初有遠乞皇上鈐印其

太陰秋揚輝金星三旬入顧此動杞憂兵氣何時戢乙未七月金星入月者一月史家五行志豈是齊諧怪天地自有靈聖明相示誠時局傷板蕩乾坤賴轉旋丈夫四方志趁好著先鞭

聞臺事有感

巴縣夏錫疇子颺

太息屏藩地而同甌脫分吾民雖義憤無那力難支難得精忠士猶時抗敵軍螳螂雖奮背黃雀更紛紛越石奇男子南關曾請纓可憐天竟缺媧石補難成六軍齊解甲何怪豫州逃一死原難事旂常名日高

寄劉湘亭軍門

宜黃符天佑根深

一腔熱血向誰陳憂國憂民百鍊身畢竟英雄能用武翻新花樣不由人孤城無援計終窮拔隊歸來氣亦雄猶領殘兵三百騎勝他夜半走江東昇平樓題壁

嘉興吳昌言顯函

忍聽蒼生四野哀一官潦倒愧無才黃梁飽喫鑪頭臥猶是封侯夢裏回天何世界浪吟詩磨盾雉才報國時丞相祠堂一回首傷今弔古不勝悲蠟屐尋幽信杖藜摩天回望眾山低傷心一掬憂時淚羞共劉琨聽夜雞

中興將相半凋殘，欲濟時難着力難。管領貔貅三十萬，幾人赤手挽狂瀾。
大吏能將倦眼開，世間到處有人才。中原砥定諸名將，不在鑽營賄賂來。
大心人事兩難知，屢乞援師故意遲。丞相權傾中外重，牙山一失海何追。
擇將未才兩不欺，相門韜畧最精奇。先機屢為因循誤，密電翻教敵國知。
通籌全局力難，失勢須尋打劫基。勝負未形先撒手，旁觀姍笑太離奇。
戡亂無才慣議和，側身東望一悲歌。少年同學多英俊，雪窖冰天夜枕戈。
跳梁小丑本尋常，天討稽遲逆跋張。獨奮乾綱猶未晚，六鰲曠策踏扶桑。
丹心自奮魯陽戈，滄海橫流喚奈何。社老艱難身許國，豪吟痛飲共高歌。
舊夢沙場三十年，何須把酒問青天。琪花瑤草尋常長，見試看蒼松晚節堅。

口占

吳昌言

馬江未戰膽先寒，上相偏能刮目看。豔福奇緣消受易，大千世界立身難。
自強全在議和戎，得失何須問塞翁。厭聽耳邊談將畧，喪師辱國尚稱雄。

送別安曉峯侍御維峻以言獲罪謫戍

葉京官

朝綱千古重家法，百王隆主聖惟思。孝臣愚枉竭忠聽，鐘憶長樂列燧照離。
官君勿憂多壘疆，圻勛望崇。狂直遇梅福，慈仁宥杜根。累朝不殺士，百爾定驚魂。諫草焚清夜，朝衫裏淚痕。

痕相思關塞隔天際，暮雲昏。

感詠

黔南女史蕭蘭芬

滄海桑田幾變更，可憐蒼昊太無情。三鯢忍陷衣冠數，謂臺百雉空營錢石城。謂威海
夫婿位輕難報國，木蘭我愧學從征。深閨長向深宵拜，翹首呼天祝太平。

呼夫天道竟無知，太息輸金割地時。中樞猶思爭氣節，沙場幾箇副鬚眉。揮戈日暮
光留影，別永福擊楫江中誓有辭。張香帥力畢竟生男纔是好，乾坤大局賴撐持。

時局循環信有因，蛾眉無分繪麒麟。諸公衮衮知匡復，世變滔滔互屈伸。東國霸圖
心在莒，西岐王業誓書秦。聖明有詔多哀痛，謂有當此創鉅痛深知之曰正誰召吳兮只自新。北君臣所誓時云云

道光壬辰游金陵雞籠山登橫岫閣見王蔗香茂才題壁四律，慷慨悲歌一時
傳誦迄今五十餘年，僅能記其起四句，偶一憶及，極與目前時事吻合，爰為續
成一律以存其人，兼以誌慨。

錢塘袁祖志翔甫

扶桑東指海雲平，二百年來罕用兵。不信沙蟲成敵國，那堪猿鶴失先聲。用才絕少
千人傑，誤國難逃萬世評。太息盈廷無一策，尊榮安富愧褒旌。

感詠次蘭芬女史原韻并序

長白佩珊女史

蘭芬女史為清鎮蕭伯平，醴女淑配，與懷如宛若交值時事艱難，竊懷憂宗
宗室有木蘭從軍之志，無良玉督帥之權，慨焉長歎，吟成七字，雖女兒絮語。

不似丈夫然幼婦好辭何慙君子囑僕次韻未敢效顰與子同心輒自忘醜
乃依歌而和之幸勿嗤濃為詩婢也

蘭閣夢破月三更厭聽良人話敵情偷塞雲排鵝鶴陣妖星燄熾鳳凰城尋常小醜
誰輕縱百萬雄兵枉出征落得于思成笑柄幾人奇計過陳平

戎機輸與敵人知枉復御枚雪月時毛遂縱橫空脫穎其公請自將滅寇羽書星火急然眉六
軍日慘雲旗色大將神驕露布我軍屢克而督師者猶說免見神諭故人降獨笑填然曳兵走留將節鉞情誰
持前首鵝鶴陣謂視師者不出關

和我辱國證前因傳列匈奴繼獲麟武帝窮兵雄畧遠班超投筆義旗伸上書幾輩
雖憂漢約法三章卒翦秦二百年來寬大政及今更與萬方新

宋祝三宮保駐遼陽將赴其軍作此寄之 鎮遠王煥宗煥宣

羅掘難填帑藏虛更傷沃壤割商於伏波定策銘銅柱諸葛何心臥草廬亂到極時
天亦悔事從窮後計方舒有臺戲馬堪紆畫會使妖氛淨掃除

乙未二月倭僞大古傳相行成定議因集子美句志感 張羅澄

九重春色醉仙桃河隴降王欵聖朝已喜皇威清海岱不堪人事日蕭條細推物理
須行樂瀨情無心作解嘲獨使至尊憂社稷冥冥氣祲未全消

新秋滄工有懷吾師南皮尚書集子美句 張羅澄

天時人事日相催故國霜前白雁來滄海未全歸禹貢謂臺片雲何意傍琴臺晉蜀地名不負

夜餐識金銀氣潦倒新停濁酒杯跨馬出郊時極目安危須仗出羣材

集杜拾遺句東贈劉淵亭軍門 張羅澄

回首扶桑銅柱標夷歌是處起漁樵近聞下詔喧都邑馬得并州快剪刀有說猛士腰

間大羽箭秋鷹整翮當雲霄走平乱世相催促上帝高居絳節朝

盡使鴟鴞相怒號應弦不礙蒼山高凌煙功臣少顏色萬古雲霄一羽毛殊錫曾為

大司馬言長官將軍只數漢嫖姚即今飄泊干戈際祇在忠良朔 聖朝

送友人從軍 危顯麟

男兒慷慨赴沙場者箇機緘孰主張望重虎頭班定遠威降狗虜分陽乾坤此日
渾何似才畧如君不可當祖道贈言無別語功成馬革有奇香

聞官軍捷音三首 科爾沁果爾敏杏岑

嵩目中原局何人任用專三章原易定一檄豈難傳好借席前箸休撓關外權東征
倭戎后撫馭最宜先

莫負耒賢意安危仗令公六韜嫺遠畧萬里駕長風報國千秋業登壇一世雄將星
連夜望光燄正熊熊

不許狂瀾汎天兵萬弩張旌旗排島嶼壁壘固金湯頻奮轟雷勢應消燭火光平燮

昭大烈作頌獻明堂

有感三首

果爾敏

嗟我何為者生平枉自猜一官何所事萬感忽然來廟畧原神武邊防幾將太遠陽

又多故國張鴨江隈
決裂原非計因循亦可嘆島夷誠有技上國詎無為鼓角天山戍艦艘威海師雄關

天設險扼要復奚疑
撫髀竟何益孤懷應少同有誰真壯氣相共挽頽風開府虛良佐邊籌賴巨公古今

賢將相幾見議和戎

夏錫疇

鯨魚跋浪海天東牌已傳金柱折銅拔鐵幾時堅壁壘降幡一片失艤艘錢山擲共

珠崖棄備兵費三百兆

西夏私同北狄通係及備時各國袖手及

隗我開曹難報稱何當萬里破詔和時手相助明

長風壁壘自相平壤焚燬樓鐘自謂威海衛率破中降此

書憤

善化何應棋鏡海

憂樂何曾為一身江湖常欲岸綸巾每思聖代無苛政未必匡時乏偉人漢不偏安終保蜀楚雖三戶必亡秦天旋地轉臣民望光武周宣祝紫宸

感事

燕山徐維城細伯

高歌拔劍一何哀率土鬚眉氣盡頽史冊前朝無此局功名蓋代亦庸才翻宣驕態忘擔荷空倚孤心在草萊安得魯陽能返日全消臺霧海天開

簡何崑山司馬六首并敘

張羅澄

中門道子集中張幼亦太守壽司馬長歌有云規仿西法鑿前明不愧曲江虛前席又云一旦遭遇風雲會鞭笞西帝朝東胡請之悚然起敬詢其狀太守為言司馬廣州人平生身在山林心存廊廟慷慨仗義中外羣傾蓋吾道中人也僕本恨人時方多故每歎天下無才今乃冰於司馬因東此贈之

納納乾坤倚杆顛傷心卧榻聽新眠鯨波鯉浪腥誰除豹畧龍韜氣不宣愧我上方空請劍翰君五夜早加鞭乘風遍歷環瀛外芒鉞秋橫萬里天君遊遍泰西各國

挾策歸來息一枝起居存問海邦夷論陳鹽鐵使禹笑君上開鏡利溢泉刀塞漏危君在粵先運覺鞠躬陶士行凡事躬置郵結客鄭當時天下多財誰可為回宰百萬災黎正待炊

瓠子防秋蟻孔災嗷嗷四野雁聲哀上中土境空沉汨十萬金錢重解推倒履堪傾江左謝靈臺莫狀晉公裴鄭州河大君助賑十萬他物助此云云一斑窺到題君日子美詩歌急難才

萬方多難海波揚南越烽烟逼五羊武庫清霜鋒不厲昭關黑夜素深哉宋丁酉法投粵先帥甲乙不尊歸兩儀利用圖龍馬君議立文錢合益會除窮民外六國縱橫拒虎狼君議立五省能政賈誼

上書徒痛哭而今世變更滄桑

滄溪東望跋鯨波，猿鶴來軒離禍羅。節度九人齊仗鉞，刺准萬士盡投戈。可憐納幣金搜穴，不救披圖斧剗河。接首北時何世界，為君拔劍一哀歌。

滄江感事集社工部句

王煥宗

太息人間萬事非，水精宮殿轉靈微。謝安不倦登臨賞，劉向傳經心事違。綠華昔曾千氣象，烏皮几在還思歸。諸公衮衮登臺省，老大徒傷未拂衣。

集社詩送友人瀋陽從軍

張羅澄

蓬萊宮闕對南山，詞客哀時且未還。一去紫臺連朔漠，幾回青瑣點朝班。家妻犀盜非今日，胡虜千秋尚入關。獨使至尊憂社稷，將軍且莫破愁顏。

張羅明遠孝廉從軍集社拾遺句贈之

夏錫疇

空山獨夜旅魂驚，月傍關山幾處明。畫省香爐遠伏枕，投壺散佚有餘清。更為後會知何地，撥絕天驕拔漢旌。此別應須各努力，武陵一曲想南征。

感事有作

侯官張同子汀

莽蕩乾坤萬事非，世情多與願相違。金甌已缺誰能補，鐵瑣都沉不可歸。亘古瀛寰成創局，孤臣海嶠恨斜暉。狂瀾未倒猶堪挽，拔劍高歌賦采薇。

割地輸金事等常，其如泄沓勢方張。兵曹我自慚無地，武庫誰能肅若霜。人世白雲幻蒼狗，海天紫島尚紅羊。指台九州聚鐵何堪鑄，幾次揮戈望夕陽。

曲江秋

馬江秋感

錢塘張景祁蘇甫

寒潮怒激看戰墨，蕭蕭都成沙碛。揮扇渡江圍棋賭，詭給巾標格烽火照水驛。問誰洗鯨波，未指點塵兵處。墟烟暗生更無漁笛，嗟惜平臺獻策，頓消蓋樓船畫鷁。凄然猿鶴，忍旌旗何在，血淚雷籌筆，回望一角天河星輝高擁乘。枵腹算只有鷗邊疏紅，斷蓼向人紅泣。

秋霽

基隆秋感

張景祈

盤島浮螺痛萬里，胡塵海上吹落鎖甲烟。鎖大旗雲掩燕巢，自驚危幕乍聞喚。鷓鴣健兒罷唱從軍樂，念銜霍誰是漢家圖。畫壯麒麟，遙望故壘瓦甍凌。霄月華當天空想橫梁卷，西風寒鴉傳黑青林凋盡。怎接託歸計未成，情味惡最斷魂處。惟見蒼蒼神所莫，小街照數聲哀角。

如此江山

壬辰三月三日本臣日下東作集驢侶招飲於滄城徐氏園 吳昌言

東風破浪東瀛客難得相逢地玉笛吹愁金尊洗恨佳節剛臨修禊知春有幾
聽泉鳥喧時鶴能無唳隔水桃花偏教零落東風裏最是難猜天意把堅經
重續何補國計寶劍埋沙瑤琴付火灑盡千行熱淚雄心未已認大地山河收來
眼底畫意詩情一時都惹起象島句譜人皆逢迎西風句謂高岳法

滿江紅

喜聞宋祝三宮保官軍捷音

吳昌言

膽落妖胡摩天嶺將星揮耀百餘里驚心征鼓環山兜剿背水師韓能報國精
忠募兵堪同調恐幾番酣戰議和戎金牌召成與賊人能料忠與佞天應曉看
三軍破敵尸骸滿道鴨綠汪邊鳧水陣鳳凰城畔開花絕待凌烟閣上紀功勳圖
形貌

沂州有懷張朗帥調寄滿江紅 乙酉作

張秉鈺

莽莽乾坤舉頭處關河一色誰能挽波翻浪沸雷轟電掣于世味嘗餘薑桂性微寒
閑盡松筠節羨曲江風度獨千秋心如結思不到山陰雪看不見齊州月謝楚
香薦士卓然風骨兩副幾拋知己淚一腔欲灑憂時血問延津寶劍合何時情
淒絕

感事呈劉峴帥調寄滿江紅

張秉鈺

對酒當歌寫難盡胸懷激烈休謂道風雲有日乾坤生色長劍磨成光燄氣唾壺
擊碎悲涼節聊持肝膽報相知公聽說誰能補天西缺誰能障川東決仗
英雄本事盡彌其闕赤手願施擎柱力丹心好挽回瀾劫愧江湖也抱廟廊憂難
銷歎

遣悶送張羅明遠孝廉入都調寄百子令

吳昌言

對花傾酒伴淒吟惟有多情張緒重向京華尋舊夢我自濃雲遮住虞史窮愁
韓非孤憤家國均無補側身東望猛然兜起征虜回憶仗劍從戎中原砥定往
事從頭訴血濺征衫猶未洗淪落天涯如故草沒名園苔封幽徑可有容身處請
纓同志蕩平驕酋歸去

普天忠憤全集卷十二終 後增入集外詩六首

普天忠憤集集外詩

集既成復有友郵寄此稿見為蕭君詩言有懷之作因憶集中已錄渠室蘭芬女史感詠三章和之者惟佩珊女史雖鳴鳩應究匪中聲今乃得渠三闕逸態雅似蘭芬而雄姿過之別為集外詩一卷遂與蘭芬詩枝對葉當可稱連理矣兩美必合數則然耶滿腹穿騷臨風一笑魯陽生歎

讀張羅明遠孝廉澄時務策有懷作三疊韻柬之

蕭詩言

邊烽纒報撤藩屏戎馬駸駸躡戶庭五色降幡雲捲白西例降者上方請劍氣躡青

君數上書曲江風度三春日留色韜鈴一卷經千古幾人人志地華夷爭譟蜀長宵君四

政要紛紛指御屏鋪張旅貢越來庭方今上封事者動擬祖宗成果然籌筆花

生彩可奈征袍色染青西蜀子雲鴻藻麗東關大雪馬蹏經君甲午仲殘篇血濺憂

時淚漫笑科頭是管甯亦赴遼東

滄溟妖蝕蝕雲屏太息東南冠伏庭內閣金泥天慘碧和約鈴印時邊關銅柱海磨

青震瀛初創參盟局韜畧誰研六要經君到邳地曾踞否方今世變正求寤

既錄蕭君大作越翼日有友自粵東來向余誦張羅六孝廉紀韓事三首余不禁

拍案叫絕謂少陵為千古詩史訖無嗣音集中所錄孝廉感事詩氣魄沈雄已得少

陵皮骨前補遺所錄孝廉述異十截句余即日為詩史今於十年治亂更以三律括之如史家之載筆而大旨歸於忠孝蓋詩教也故次於篇終使天下萬世抱忠憤者有所觀感焉魯陽生啟

紀韓事三首

張羅澄

甲申冬十月韓開化黨金玉均洪英植朴泳孝徐光範徐載弼等通日使竹添進一郎以叛英植伏誅玉均等出走英植之子鍾宇迹而圖之甲午春二月

玉均變名岩田和三旅滬江鍾宇格殺之五月韓亂中日之難遂作

十年前事記朝鮮南越鋒連濟物烟日公使竹添進一郎領金玉均等陽關寶玉私逃虎玉均

敵宮門借盜盜權專王均等入宮脅王稱清兵亂禍詔趣

等皆漢闕星槎晚泛濤難上書告急我國派吳大澂續昌兩星使往靖

仍復辟海隅幾悼失飛廉韓平賊臣十年不獲

華夷豔說洪鍾宇手刃君仇蓋父愆在上海客寓以箕子奴囚成法在鍾宇圖玉均

祖殺玉均因於上張良博浪一椎先短衣逆絕無行地日本莊子因玉均改西服遊

漫笑殷遺頑獨甚英雄忠孝自神仙韓王致電總署云洪鍾宇奉我命誅賊臣金玉均

無那職仇仇更深東金玉均久受日本之庇鍾宇亦曰殺也日屋念遠借韓前軍忽

地大星沉冠軍安邊廟岩縮金篋卻敵城空碎玉琴中韓之勝辱甚燕雲天雨泣

愁聽渤海潮音海嘯可能再逞屠龍手我欲因之溉釜鑿

按此詩第三首末釜鑿句其本意大約謂宜參用西法以復國仇也然如洪鍾宇

者亦人傑矣哉唐有父謀叛而其子赴關告變者史家謂其能存宗祀忠孝仍自

兩全取鍾宇較之其忠孝為何如耶孔子曰匹夫不可奪志由今觀之益信鍾宇

聞關異域迹玉均十年一旦竟成其志英風瀟氣溢於兩關其艱苦卓絕之心可

以驚風雨而泣鬼神矣蓋誠之所至金石為開玉均即不能殺亦將奪魄况能手刃

之耶此詩為之表彰使厚天下之人如睹鍾宇個儻之狀以生其忠憤之心吁世有

如鍾宇其人者乎余將鑄金事之故特錄此為忠憤集之殿魯陽生跋

乙未重九後五日余往謁魯陽生見所采輯忠憤集成而特取一洪鍾宇狀殿之

余慨然曰公維世立教之意深矣然亦聞時局之壞有非鍾宇輩所能洩其忿

者乎日本之役割地償金人人雖共扼腕然後事猶可為也近聞各處日報均言王

方伯之春與俄訂密約已將威海旅順允讓俄停泊兵船東三省地方聽俄自建

鐵路山東各要口又聽俄開埠頭造機器種種失算登之報章公亦聞之乎比

應余曰否否不然方伯洞悉時務人所共知今日報所言則固無論智愚皆知為

引寇入室必不可為之事苟或為之則是亂臣賣國為鍾宇所不容者也而謂方

伯肯為之忍為之乎必不然矣余曰然則日報駭人聽聞幾使我不可為國請附錄此問答以息羣喙

侯官林正本石根附記

普天忠憤全集卷十二集外詩終

